

漁洋詩集

一函
五冊

漁洋山人詩集卷十七

新城 王士禎貽上

撰

乙巳稿

人日登真州天寧寺浮圖懷李退菴侍郎

時李

方屬疾

踏閣攀林到上方振衣千仞俯蒼蒼江臯騁望傷
春目人日登臨憶侍郎枚叔才情傳七發楚臣清
怨極三湘

李有憶洞庭詩最工

何時問疾來方丈乞取天花

作道場

讀費密詩

成都跛道士萬里下峨岷虎口身曾拔蠶叢句有
神大江流漢水孤艇接殘春二句密詩十字須千古何
爲失此人

送家兄西樵游黃鶴山

抱琴向黃鶴言訪戴公家山路霽春雨遠江明落
霞風吹石楠樹露泫櫻桃花明日西津渡從君問
釣查

家兄信宿焦山有寄

聞君游松寥託宿招提境佇待江潮生茶香酒初
醒松風流夕梵蘿月散清影暝坐歸鳥稀晚飯鐘

魚靜昔游不可忘夢向焦仙嶺

焦山古鼎詩三十四韻

曉入枯木堂怪禽驚翩翻清露滴松杪下見古鼎
蹲寶光耀昆吾中有飛廉魂上文爲雷回下文爲
雲紘獰狀饕餮伏兵氣蚩尤昏辛壬與丁甲世次
迷夏殷初疑周虎彝復惑虞雖敦尊從不可辨牛
豕誰能論瑰怪壓繚鼎譎詭旅紀魑蛟龍雜蝌蚪
五指不敢捫在胙想鬬鬬識字驚蜿蜒月黑鬼神
泣峽束波濤奔籀書失趯趯斯篆推親輒爰歷邁
府令凡將駭文園史游久已歿皇象不復存甄豐

與董道挾剔窮本根不遇博雅流孰爲洗煩冤
比岐陽狩或同泗水淪山僧與道古感激聲還吞
分宜昔枋國氣勢傾崑崙斯鼎出京口上燭光網
緼役使萬指衆負戴千蹄健太哉宗廟器詎屑豪
貴門威力鎮禪窟寂寞歸祗洹午夜鳴鐘魚清晝
啼林猿閱人恆沙劫如彼蝨在禪我昔訪焦先望
氣吟不言五年隔揚子無翮思騰騫吾兄癖好古
八書探河源三日松寥遊坐卧忘囂喧扁列析螺
書卷尾搜蠹文作爲奇偉辭大海搏鵬鯤春江壯
風霆響激雲濤渾三歎繼高唱海門上朝暾

坡公送李孝博詩石刻在禪智寺斷仆已久
順治辛丑春禪曾步往訪之和詩一篇四年
來欲收拾補綴忽忽未遑康熙甲辰冬量移
主客行有日矣念往事耿耿於心乙巳二月
屬宗定九往營度靈隱碩公適飛錫于此以
一偈垂示輒與西樵定九各拈二絕爲答并
堅斯約清明前七日

寒山拾得真朋友無着天親是弟兄
浩劫西來重會合上方禪窟記經行

草深一丈法堂前片石山門委斷烟
大有因緣公

記取山櫻重向早春然

坡詩歸來春酒凍共看山櫻然

爲宗定九題張翀花卉

楚客寫香草汀洲蘭杜春芳香持作佩欲寄湘中
人

送家兄同無言游吳越二首

挂帆指吳會雲水空濛間上巳美風景登臨散襟
顏湘湖萼正滑應上蕭然山共訪金庭宅淹留殊
未還

吾家王吏部江左有高名五字論詩品陰何欲比
清偶思鏡湖好忽作剡中行輸爾天都子逍遙訪

赤城

上巳辟疆招同潛夫其年亦史山濤修禊水
繪園十首

懸雷山前春瀑晴洗鉢池邊春水生天氣殊佳臨
解禊酒人兼作摘船行延陵子房復不惡齊瑟吳
歛皆有情忽憶紅橋作寒食梨花千樹照蕪城

前年曾到湘中閣閣外天寒水方落西風颯颯猿
啾啾惜別懷君芳杜若今來三月青春深浯溪窈
窕桃花林爲君一曲答欸乃寫作雲山韶濩音

碧琉璃上雙玉壺蘭橈宛轉沿春蕪未傳洛下羊

酪法且醉淮南櫻筍廚射雉城中烟景暮流鶯喚
人且須住回頭笑謝襄陽兒詎可搖鞭背花去

平山堂下五清明

甲辰紅橋賦
冶春句也

草長鶯飛無限情

不怪老顛裂風景名園上日相逢迎銀箏初彈阮
初擘此夕留髭應十石春衣明歲杜陵游憶汝狂
歌拓金戟

西豪里中訪老友况復陳生與我厚辟疆園敞羅
羣賢大兒小兒唱銅斗烟際鷗鷺一隻飛吳歌水
調欲沾衣風光如此不成醉帽影鞭絲何處歸
陳公家近罨畫溪溪邊花草令人迷離墨山中一

宵雨竹雞白鷗相應啼先生大隱隱城市萬壑千
巖窓戶裏花朝已過上巳來日坐蜻蛉釣沙尾

迴溪綠淨不可唾碧蘿陰中棹船過落花游絲春
晝閒獨許先生此高卧劇憐風物共披襟蕭然絲
竹皆清音永和三日今千載坐使清風滿竹林

時出

文衡山蘭
亭卷同觀

暮春三月爲水嬉棠梨葉大山禽啼田家社酒壓
缸面雪白橙香玉練槌夜聽醉頭滴春雨曉報提
壺如潑乳醉鄉大戶百分空起喚花奴自撾鼓
谿筍一逕略徇紅地肺疑與朱陵通沅湘春水蒲

桃綠江蘿蘭杜愁烟空主人少年登嶽麓祝融峯
頭幾迴宿七十二峰羅戶庭日汲湘潭然湘竹

西樵山人剡中去古盍山人廣陵住漁洋山人來
東臯三日三席對芳樹人生聚散不可忘且須痛
飲累百觴名山游罷共歸老笑玩麻姑手爪長

上巳後二日吳陵舟中雨霰甚寒因懷家
大人與家兄已次吳江

小雪春陰水上城背篷獨聽短長更吳船此夜松
陵驛又過姑蘇一日程

寄家兄吳郡二首

解使良工鑄范蠡南陽一嘆復何悲君行若過文
臺側持取琴歌問樂師
宿甲東行盡廢蕪掖門空怨夾田夫闔廬城外青
山路灑酒荒丘弔玉鳧

靈雛便面

朱竹屏山偃折枝春鶯百轉妮人時當年若與寧
王去未必心情似餅師

海陵重赴雉臯武林使行再寄西樵

離居幾夜夢錢塘驛路重過射雉塲江上青山連
越絕風前白袷緩吳裝烟迷遠水行人少柳拂叢

祠春晝長西去廣陵三百里何堪東望語兒鄉

再泛水繪園看月作二首

林塘自幽映况復清夜月輕舟漾浦淑習習涼飈
發竹深禽響亂徑僻人蹤滅島嶼已千尋川涂更
百折月影散水本光景紛奇絕孤篷泊烟霜澄懷
抱冰雪我有素心友掩關事禪悅噉粥日消散觀
道離言說示我秋水篇邈然寄寥次遠寺傳鐘魚
空山鳴蜻蛚流連印渚游惆悵林中別

修林帶高館巖壑相因依水波澹瀟照雲霞收夕
霏遙遙暝色來肅肅沙鳥飛永懷謝希逸望古歎

知希斯人不可作乘月扣舷歸

雨夜懷其年園居

久客春向暮歡游罷不適孤館歇清漏卧聞春雨
滴暗蛩吟幽草寒燈耿虛壁念我同心人咫尺何
由覲雨聲湖上來蕭條散蘆荻此時掩關卧應聽
林間笛

雨登湘中閣眺望

曠望臨清湘楚天夜來雨合沓連江潮空濛散洲
渚野鳬濕不飛墟落遠堪數漁榜泂迴谿停橈飯
孤嶼不見烟中人但聞烟中語

詠史小樂府三十首

讀三國志

小平津

望望北邙坂黃蒿長似人夜來螢火暗失路小平津

卿曹拜

欲得卿曹拜何妨破產求蒲桃元不惡一斛博涼州

殺田豐

長揖橫刀出將軍一代雄頭顱行萬里失計殺田

豐

殺癩歌

祝魴復祝魴君聽殺癩歌瓜廬方一畝漢臘此中
多

龐娥親

生女不如男所論非英雄不見龐娥親殺人都亭
中

魏公奴

佞者東川至昌言玉版符不爲劉氏客甘作魏公
奴

赦雍齒

太息王髦劍前年殺孔融曾言赦雍齒地下愧袁公

丹楊婦

一作崩城操三軍且莫哀丹楊使君婦縗經報讐
來

卿慚長

可憐卿慚長陳德何涼薄不及朗陵公猶有苟文
若

寄當歸

子義來江左青州名士稀丈夫死知己枉用寄當